

U skladu sa odredbama člana 153. stav (3) Zakona o srednjem obrazovanju ("Službene novine Kantona Sarajevo", broj: 23/17), te na temelju odredbi Poslovnika o radu stručnih organa Javne ustanove Srednja ugostiteljsko-turistička škola Sarajevo broj: 02-1843/17 od 07.12.2017. godine, Nastavničko vijeće Javne ustanove Srednja ugostiteljsko-turistička škola Sarajevo, uz saglasnost direktora Škole, na sjednici održanoj 23.04.2020. godine, jednoglasno donosi

POSLOVNIK O IZMJENAMA I DOPUNAMA POSLOVNIKA O RADU STRUČNIH ORGANA JAVNE USTANOVE SREDNJA UGOSTITELJSKO-TURISTIČKA ŠKOLA

Član 1.

(Predmet Poslovnika o izmjenama i dopunama Poslovnika o radu stručnih organa)

(1) Poslovníkom o izmjenama i dopunama Poslovnika o radu stručnih organa Javne ustanove Srednja ugostiteljsko-turistička škola Sarajevo (u daljem tekstu: Škola) uređuje se način rada na sjednicama stručnih organa Škole.

(2) Odredbe ovog Poslovnika obvezujuće su za sve članove stručnih organa koja rade na sjednicama i lica koja prisustvuju sjednicama stručnih organa Škole, u skladu sa Zakonom o srednjem obrazovanju u Kantonu Sarajevo (u daljem tekstu: Zakon).

Član 2.

(Sastav i rad stručnih organa)

Član 2. Poslovnika o radu stručnih organa Škole broj: 02-1843/17 od 07.12.2017. godine, dopunjuje se novim stavom, i glasi:

"(5) Izuzetno od stava (4) ovog člana, za vrijeme proglašenog vanrednog stanja, kao i za vrijeme proglašenog stanja prirodne ili druge nesreće, stručni organi Škole mogu održati online sjednicu. Elektronskim putem kontaktiraju se svi članovi stručnog organa, predlože im se tačke dnevnog reda sjednice, te putem video ili audio linka glasaju o prijedlozima. Nakon online sjednice sastavlja se Zapisnik o online održanoj sjednici stručnog organa."

Član 3.

(Sjednice Nastavničkog vijeća)

Član 3. Poslovnika o radu stručnih organa Škole broj: 02-1843/17 od 07.12.2017. godine, dopunjuje se novim stavom, i glasi:

"(8) Izuzetno od stava (1) ovog člana, za vrijeme proglašenog vanrednog stanja, kao i za vrijeme proglašenog stanja prirodne ili druge nesreće, Nastavničko vijeće Škole može održati online sjednicu. Elektronskim putem kontaktiraju se svi članovi Nastavničkog vijeća, predlože im se tačke dnevnog reda sjednice, te putem video ili audio linka glasaju o prijedlozima. Nakon online sjednice sastavlja se Zapisnik o online održanoj sjednici Nastavničkog vijeća. Zapisnik se službeno usvaja na sljedećoj sjednici Nastavničkog vijeća."

Član 4.

(Rad Odjeljenjskih vijeća)

Član 19. Poslovnika o radu stručnih organa Škole broj: 02-1843/17 od 07.12.2017. godine, mijenja se i dopunjuje novim stavom, i glasi:

"(5) Izuzetno, za vrijeme proglašenog vanrednog stanja, kao i za vrijeme proglašenog stanja prirodne ili druge nesreće, Odjeljenjsko vijeće Škole može održati online sjednicu. Elektronskim putem kontaktiraju se svi članovi Odjeljenjskog vijeća, predlože im se tačke dnevnog reda sjednice, te putem video ili audio linka glasaju o prijedlozima. Nakon online sjednice sastavlja se Zapisnik."

Dosadašnji stav (5) postaje stav (6).

Član 5.
(Rad Stručnih aktiva)

Član 21. Poslovnika o radu stručnih organa Škole broj: 02-1843/17 od 07.12.2017. godine, mijenja se i dopunjuje novim stavom, i glasi:

"(6) Izuzetno, za vrijeme proglašenog vanrednog stanja, kao i za vrijeme proglašenog stanja prirodne ili druge nesreće, Stručni aktivi Škole mogu održati online sjednicu. Elektronskim putem kontaktiraju se svi članovi Stručnog aktiva, predlože im se tačke dnevnog reda sjednice, te putem video ili audio linka glasaju o prijedlozima. Nakon online sjednice sastavlja se Zapisnik."

Dosadašnji stav (6) postaje stav (7).

Član 6.
(Rad komisija Škole)

Poslovnik o radu stručnih organa Škole broj: 02-1843/17 od 07.12.2017. godine, mijenja se i dopunjuje novim članom, i glasi:

"Član 24. stav (1) Članovi komisija koje formiraju organ upravljanja, rukovodni i stručni organi Škole donose Poslovnik o radu i rade na sastancima u skladu sa Zakonom o srednjem obrazovanju u Kantonu Sarajevo i Pravilnicima resornog Ministarstva. Izuzetno, za vrijeme proglašenog vanrednog stanja, kao i za vrijeme proglašenog stanja prirodne ili druge nesreće, članovi komisija Škole mogu održati online sastanak. Elektronskim putem kontaktiraju se svi članovi komisije, predlože im se tačke dnevnog reda sastanka, te putem video ili audio linka glasaju o prijedlozima. Nakon online sastanka sastavlja se zapisnik koji potpisuju svi članovi."

Dosadašnji članovi 24., 25., 26. i 27. postaju članovi 25., 26., 27. i 28.

Član 7.
(Tumačenje Poslovnika)

(1) Tumačenje odredbi ovog Poslovnika daje Nastavničko vijeće Škole.

Član 8.
(Važenje Poslovnika o radu stručnih organa Škole)

(1) Ostale odredbe i autentični tekst Poslovnika o radu stručnih organa Škole broj: 02-1843/17 od 07.12.2017. godine, ostaje na snazi, nepromijenjen.

Član 9.
(Stupanje na snagu Poslovnika o izmjenama i dopunama Poslovnika o radu stručnih organa)

(1) Poslovnik o izmjenama i dopunama Poslovnika o radu stručnih organa Javne ustanove Srednja ugostiteljsko-turistička škola Sarajevo stupa na snagu danom donošenja.

Broj: 02-261/20
Sarajevo, 23.04.2020. godine

Direktor Škole

Fatima Hodžić Omerović